

abundantiam gratiæ suæ vos a propinqua contagione servavit incolumes. Porro cum pro componendo dissidio hujusmodi dilectum filium Josephum a Sancta Maria Ordinis Fratrum Discalceatorum ejusdem Sanctæ Mariæ de Monte Carmelo virum præclaris virtutibus ornatum, ad illas partes mittere statuerimus, conceptam ex virtute vestra legitimitatem ea occasione harum serie testari volumus, ac pro pastorali nostra sollicitudine vos paterne in Domino hortari, ut in laudabili vestra firmitate, ac in ejusdem Archiepiscopi Pastoris vestri obedientia, quæ Deo gratior est omni vitima, ut facitis, animose perseveretis, eosdemque Archiepiscopum, & Josephum obsequiis, & officiis vestris in faciendam Ecclesiæ prædictæ scissuram, & procurandam fratrum vestrorum a via justitiæ aberrantium reductione coadjuvare studeatis, inde æternum a Deo præmium, a Nobis vero, & hac Sancta Sede Apostolica uberem gratiam consecuturi.

Dat. die 19. Febr. 1656. An.I.

Datum Romæ apud Sanctum Petrum, sub Annulo Piscatoris die 19. Februar. 1656. Pontificatus nostri Anno I.

LXXXVII.

Ex Regest. in Secret. Brev.

Hortatorium Archiepiscopo Angamalen. occasione Missionis Josephi a Sancta Maria Carmelitæ Discalceati ad Provinciam Angamalen.

Ven. Fratri Archiepiscopo Angamalen.

ALEXANDER PAPA VII.

Ven. Frater salutem, & Apostolicam benedictionem.

Hortatur Archiep. Angamalen. ut contra rediret ad Ecclesiæ gratiam Archiepiscopi ejusdem Ecclesiæ.

* Sic.

Relatum est Nobis dilectum filium Thomam Archidiaconum istius Ecclesiæ Angamalen. nescitur quo spiritu ductum, una cum ingenti Christianorum numero ab obedientia tua recessisse, & quod execrabilis est, dignitatem Episcopalem sibi temere arrogasse. Pertulit hic nuntius vehementer animum nostrum, & gravi molestia affectit. Quomodo enim non acriter commoveat paterna viscera tot animarum unius hominis ambitione misere seductarum jactura, & florentis isthic per Dei gratiam Christianitatis perturbatio. Quoniam vero ejusmodi schismata temporis accessione vires acquirere consueverunt, ne, & istud mora invalescat, celeri remedio pro ea, quam universis Ecclesiis debemus sollicitudine duximus providendum. Quamobrem mittimus eorum nostris ea super re mandatis dilectum filium Josephum a Sancta Maria Ordinis Fratrum Discalceatorum ejusdem Sanctæ Mariæ de Monte Carmelo virum spectatæ fidei, & integritatis, præclarisque animi dotibus, & virtutum meritis decorum, quem confidimus a Te pro tua erga Nos, & hanc Sanctam Sedem observantia bene-

vole excepturum; in ceterum fraternitatem tuam in Domino monemus, & serio hortamur, ut memor mansuetudinis illius, qui animam suam posuit pro ovibus suis, eas, quas a Deo curæ tuæ commissas zizaniorum Sator Diabolus abduxit, omni studio ad ovile Christi reducere coneris, & ad propria pascua redeuntes benigne suscipias, illisque ad cor reversis debitum per inobedientiam contractum paternam charitate remittas. Ita, & boni Pastoris, qui amissam ovem querere, suppositisque humeris ad caulam referre non dedignatur, & misericordis Patris, qui filium poenitentem obviis ulnis, in pristinum amoris sinum recepit, partes implebis.

Datum Romæ apud S. Petrum, sub Annulo Piscatoris, die 19. Februarii 1656. Pontificatus nostri Anno I.

Dat. die 19. Febr. 1656. An.I.

LXXXVIII.

Mittit Josephum a Sancta Maria Carmelitam Discalceatum ad Provinciam Angamalen. ut super recessu Thomæ Archidiaconi Ecclesiæ Angamalen., ejusque sequacium ab obedientia Archiepiscopi, aliisque excessibus informationes capiat, & processus conficiat, cum diversis facultatibus.

Ex Regest. in Secret. Brev.

Dilecto Filio Josepho a Sancta Maria Ordinis Fratrum ejusdem Sanctæ Mariæ de Monte Carmelo Discalceatorum nuncupatorum.

ALEXANDER PAPA VII.

Dilecto fili salutem, & apostolicam benedictionem.

CUM sicut non sine gravi animi nostri molestia ad aures nostras pervenit, dilectus filius Thomas Archidiaconus Ecclesiæ Angamalen., seu Serræ una cum centum, & quinquaginta millibus, seu alio veriori numero Christianorum illarum partium ab obedientia Ven. Fratris Archiepiscopi Angamalen. recesserit, ac dignitatem Episcopalem absque hujus Sanctæ Sedis auctoritate sibi arrogaverit, muniaque Pastoralia inter eosdem Christianos illegitime, invalideque exercere præsumpserit, & forsitan præsumat; cumque per excessus hujusmodi, & illorum occasione status ejusdem Ecclesiæ Angamalen. cum maximo Christianissimorum distarum partium animarum periculo valde perturbatus existat; Nos pro comissa Nobis ab æterno Pastore omnium Ecclesiarum sollicitudine, universique gregis Dominici opera prædictorum excessuum informationem capi, ac perturbationes hujusmodi componi, & sedari, tranquillitatemque eidem Ecclesiæ restitui, necnon memoratum Thomam, ejusque sequaces ad ejusdem Archiepiscopi obedientiam reduci cupientes; ac de tua fide, prudentia, rerum agendarum peritia, dexte-

Dat. facultatem Josepho Ordinis Fratrum Discalceatorum processum conficiendi super excessu Archiepiscopi Angam.

dexteritate, & Catholice Religionis zelo, plurimum in Domino confisi, de Ven. Fratrum nostrorum S.R.E. Cardinalium negotio Propagandæ Fidei præpositorum consilio, tibi per presentes committimus, & mandamus, quatenus te una cum duobus, vel tribus sociis tibi placitis, & gratis, ad partes prædictas conferas, ac super omnibus, & singulis præmissis veras facti informationes, exactamque instructionem summas, & capias, ac processum, seu processum desuper fabrices, & conficias. Dantes tibi quamcumque necessariam, & opportunam facultatem cum eodem Thoma, ejusque sequacibus clericis, & laicis quibuslibet libere, & licite, ac absque cujusvis censura, vel poenæ ecclesiasticæ incursum, ubi, & quando, & toties quoties in Domino expedire judicaveris, super eorum reductione ad prædicti Archiepiscopi obedientiam communicandi, & tractandi, ipsumque Thomam, & ejus sequaces ad obedientiam hujusmodi, quoties opus fuerit, respective auctoritate nostra apostolica reducendi, & si hoc a te humiliter petierint, imposta eis, & eorum cuilibet poenitentia salutari, necnon recepto ab eis juramento, quod de cetero similia non perpetrabunt a prædictorum excessuum reatu, a quibusvis excommunicationis, suspensionis, & interditi, aliisque ecclesiasticis sententiis, censuris, & poenis per eos, & eorum quemlibet præmissorum occasione respective incurris, eadem auctoritate absolvendi, & plenarie liberandi illisque, & eorum cuilibet poenas hujusmodi gratiose remittendi, & condonandi, ac eos, & eorum quemlibet in pristinum, & eum in quo ante prædictos excessus quomodolibet erant statum restituendi, & plenarie reintegrandi, ac ad gremium Sanctæ Matris Romanæ Ecclesiæ, dicta auctoritate recipiendi, aliaque ad id necessaria, & opportuna agendi, faciendi, & exequendi prout res ipsa exegerit; servatis tamen semper Constitutionum Apostolicarum, & Conciliorum generalium, Sacrorumque Canonum dispositionibus.

Contraria sunt.

Non obstantibus fel. rec. Bonifacii Papæ VIII. Prædecessoris nostri de una, & Concilii generalis de duabus dietis, aliisque Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon quatenus opus sit, memoratæ Angamalen., & aliarum quarumvis Ecclesiarum, & locorum, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis, Quibus omnibus, & singulis illorum tenores, præsentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum, hac vice dumtaxat specialiter, & expresse derogamus, ceterisque contrariis quibuscumque.

Bull. Rom. Tom. VI. Par. IV.

Datum Romæ apud S. Petrum sub Annulo Piscatoris die 24. Januarii 1656. Pontificatus nostri Anno I.

Dat. die 24. Jan. 1656. An.I.

LXXXIX.

Hortatorium universis Christianis pro Josepho a S. Maria Carmelita Discalceato ad partes Orientis profecturo.

Ex Regest. in Secret. Brev.

ALEXANDER PAPA VII.

Universis Christianis tam Ecclesiasticis, etiam cujusvis Ordinis, Congregationis, & Instituti Regularibus, quam laicis præsentibus literas inspectionis salutem, & apostolicam benedictionem.

Universis Christianis Orientalibus Josepho a S. Maria Carmelitam Discalceatorum dat.

CUM Nos dilectum filium Josephum a S. Maria Ordinis Fratrum ejusdem S. Mariæ de Monte Carmelo Discalceatorum nuncupatorum virum pietate, præclarisque virtutibus præditum ad partes Orientis cum nostris super gravissimo negotio mandatis mittamus. Idcirco vos omnes, & singulos plurimum hortamur in Domino, & per ineffabilem bonitatem Dei, qui charitas est paterne requirimus, atque etiam enixe petimus, ut eumdem Josephum cum ejus sociis quando tam in itinere ad partes prædictas, quam in reddito ex iisdem partibus ad Nos, & hanc Sanctam Sedem ad loca vestra se contulerit, pro vestra erga Nos, & eandem Sedem reverentia, & devotione ad gloriam nominis Christi Salvatoris nostri benigne suscipiatis, & fraterna cum humanitate, atque amore liberaliter pertractetis, ac ipsi Josepho, ejusque Sociis de omnibus, quæ eis commoda, & necessaria fuerint, subveniatis, illaque eis prompte, & alacriter tanquam hilares datores, quos diligit Deus, subministratis, & ipsis omni ope, opera, consilio, ac totis denique viribus vestris de libero, ac tuto itinere, & opportunis commeatibus cum effectu provideatis. Quæ quidem si, ut speramus, feceritis, rem certe Christianis Hominibus maxime dignam, Nobis vero gratam, ac Divinæ Majestati procul dubio acceptissimam fecisse gaudebitis.

Datum Romæ apud S. Petrum sub Annulo Piscatoris die 19. Januarii 1656. Pontificatus nostri Anno I.

Dat. die 19. Jan. 1656. An.I.

X C.

Hortatorium Capitulo Ecclesiæ Cocinen. occasione Missionis Josephi a S. Maria Carmelitæ Discalceati ad Provinciam Angamalen.

Ex Regest. in Secret. Brev.

Dilectis Filiis Vicario Capitulari Ecclesiæ Cocinen. illius Sede Episcopali vacante legitime deputato, ac Capitulo, & Canonici ejusdem Ecclesiæ Cocinen.

M 2

ALE-

Dilecti filii Salutem, & apostolicam benedictionem.

Capitulo Ecclesie Coccin. commendat Josephum Carmelitam Disalceatam.

§.1. CUM pro componendis Ecclesie Angamalen Thomæ Archidiaconi ejusdem Ecclesie, seu Serræ opera, ut accepimus, turbata dissidii, dilectum filium Josephum a S. Maria Fratrem Disalceatam Ordinis ejusdem S. Mariæ de Monte Carmelo virum virtutibus, ac optimis qualitatibus præditum ad illas partes destinare decreverimus: Hinc est, quod Nos dilectionem vestram præsentium tenore in Domino censuimus adhortandum, ut pro nostra, & Sedis Apostolicæ reverentia prædictum Josephum ad vos divertentem benigne excipiat, illique quodcumque opportunum auxilium, & favorem præbeatis, & pro viribus assistatis, ut ipse consilio, & ope vestra adjutus memoratæ Ecclesie Angamalen. pacem, & concordiam in executionem mandatorum nostrorum, ad omnipotentis Dei laudem, & Domini gregis salutem restituere, ac Christianifideles aliena seductione, & inconsulta levitate a Ven. Fratre Archiepiscopo Angamalen. eorum Pastore distractos, ad ejusdem Archiepiscopi obedientiam reducere Domino cooperante valeat. Implebitis ea in re partes verorum Ecclesie Catholice filiorum, Nobisque gratissimum erit quicquid benevolentia eidem Josepho impendetis.

Datum Romæ apud S. Petrum, sub Anno Piscatoris, die 19. Februarii 1656. Pontificatus nostri Anno I.

XCI.

Facultas Congregationi, & Judici Sacre Visitationis Apostolicæ standi simplici indicationi scripturarum, &c. & Judici procedendi absque voto Congregationis usque ad sententiam, &c. exclusive.

ALEXANDER PAPA VII.
Ad futuram rei memoriam.

Facultatem Cong. & Judici S. Vist. Apost. standi simplici indicationi scripturarum, &c. Judi procedendi absque voto Congreg. usque ad sent.

Alias Nos nonnullos ex Venerabilium fratrum nostrorum S. R. E. Cardinalium Collegio adjuvatores in munere Pastoralis Visitationis nostræ Ecclesiarum, & locorum, ac operum piorum hujus Almx Urbis assumpsimus, ac illis inter alia facultatem faciendi in premissis processibus necessarios, aliaque omnia, & singula, quæ hujusmodi Visitationis negotium, ulteriorem progressum, executionem, & in ea facta, & facienda mandata, decreta, statuta, & ordinationes concernunt, & concernent, seu ad ea quomodolibet spectant, & spectantur faciendi, gerendi, exequendi, mandandi, & ordinandi: necnon omnes, & singulas causas occasione dictæ Visitationis coram quibuscumque Judicibus tam Ordinariis, quam delegatis pendentes,

& etiam instructas ad se auctoritate nostra avocandi, illasque summarie, simpliciter, & de plano, sine strepitu, & figura judicii, sola facti veritate inspecta, & manu regia audiendi, cognoscendi, & sine debito, prout juris foret, terminandi concessimus. Ac Venerabilem fratrem Marcum Antonium de Oddis nunc Episcopum Hierapolitanum Judicem causarum, & executionem decretorum Visitationis hujusmodi cum diversis facultatibus deputavimus ea lege, ut inconsultis Nobis, aut Cardinalibus prædictis, & nisi de eorum voto in aliquo non procederet, nec sententiam ferret, aut quidquam exereretur, nec se in aliquo immisceret, & alias prout in diversis nostris in simili forma Brevis desuper expeditis literis, quarum tenores præsentibus pro expressis haberi volumus, uberius continetur.

§.1. Nunc autem celeriori causarum, prædictarum expeditioni, & partium dispendiis, quantum cum Domino postumus oportune providere cupientes.

§.2. Motu proprio, ac ex certa scientia nostra, ut tam Congregatio dictorum Cardinalium per Nos assumptorum, quam idem Marcus Antonius Episcopus Judex, & Executor, ut præfertur, deputatus in omnibus litibus, & causis, quæ coram ipsis respective in vim facultatum eis respective per literas prædictas attributarum forsitan motæ sunt, & in futurum movebuntur inter quascumque personas, tam Ecclesiasticas, quam laicas, seu Ecclesiarum, piorum locorum, & operum hujusmodi Oeconomos, Ministros, & Officiales, Executores, seu Procuratores quocumque nomine censeantur, pro, & contra; simplici, & nude scripturarum, ac jurium in Tribunalium, seu Archiviis, aut Notariorum officiis ejusdem Urbis existentium indicationi, eorumque notis, ac privatis copiis stare, & illis ad probationem eandem fidem in judicio adhibere possint, quam adhiberent, si illa in forma publica, & authentica forent transumpta, aut alias originaliter exhibita, auctoritate Apostolica tenore præsentium concedimus, statuimus, & ordinamus. Neenon eidem Marco Antonio Episcopo, Judici, & Executori, ut etiam inconsultis Nobis, seu Cardinalibus prædictis, & absque eorum voto in causis supradictis usque ad sententiam definitivam, aut decretum vim definitivam habens exclusive, servata in cæteris forma, & dispositione hujusmodi literarum super ejus deputatione hujusmodi emanatarum, procedere libere, & licite valeat, facultatem tribuimus, & impartimur.

§.3. Non obstantibus quoad ea, quæ præsentibus quomodolibet adversantur, prædictis nostris literis, ac omnibus, & singulis, quæ in eis, volumus non obstare, cæterisque contrariis quibuscumque.

Datum Romæ apud S. Petrum, sub Anno Piscatoris die 13. Martij 1656. Pontificatus nostri Anno I.

Marco Antonio ampliat. facultatem impartitur.

Contraria sol. lit.

Dat. die 13. Mar. 1656. An. I.

Ere-

Ex Reg. in Sac. Brevis

Erectio Septem Conventuum Fratrum Disalceatorum nuncupat. Ordinis Eremitarum S. Augustini in Germania existentium in Provinciam.

ALEXANDER PAPA VII.

Ad futuram rei memoriam.

Exordium.

EX commissi Nobis divinitus pastoralis officii debito, ad ea propensius studiis intendimus, per quæ regularium personarum, quæ relicto seculo Dei obsequiis sese manciparunt, statui, & felici directioni consulitur, ut secundum Ordinum suorum instituta gratum Altissimo impendentes famulatum prosperioribus in dies in via Domini proficiant incrementis.

Erigit in Provinciam septem Conventuum Fratrum Disalceatorum Or. S. August.

§.1. Cum itaque, sicut dilecti filii Fratres Disalceati nuncupat. per Germaniam constituti Ordinis Eremitarum Sancti Augustini Nobis nuper exponi fecerunt, ipsi Capituli Generalis eorum Ordinis de anno 1653. celebrati consensum obtinuerint ut se a Provincia Romana dicti Ordinis separare, & septem Conventus ejusdem Ordinis in Germania existentes in Provinciam Ordinis hujusmodi erigi facere valerent, ad hoc ut expensas, & difficultates longorum itinerum Romam Capitulis Generalibus Ordinis prædicti interveniendi ergo suscipiendorum evitarent, & ipsorum quieti, ac felici gubernio prospiceretur: Hinc est quod Nos eisdem exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodate existunt, ad effectum præsentium dumtaxat consequendum harum serie absolventes, & absolutas fore censentes supplicationibus eorum nomine Nobis super hoc humiliter porrectis inclinari, de Venerabilium Fratrum nostrorum Sanctæ Romanæ Ecclesie Cardinalium negotiis, & consultationibus Episcoporum, & Regularium præpositorum consilio, attentis narratis, habitoque consensu dilecti filii Procuratoris Generalis ejusdem Ordinis, & totius Capituli supradicti, & dummodo non adsit Constitutio in contrarium, memoratos septem Conventus a dicta Provincia Romana auctoritate Apostolica tenore præsentium separamus, & dismembramus, ac illos sic separatos, & dismembratos in novam Provinciam Ordinis prædicti cum omnibus, & singulis præ eminentiis, prærogativis, indultis, privilegiis, & gratiis, quibus alia ejusdem Ordinis Provincie frui, & gaudere solent, ac possunt, & debent auctoritate, & tenore prædictis erigimus, & instituiamus.

Præsentibus literas confirmat.

§.2. Decernentes præsentibus literas firmas, validas, & efficaces existere, & fo-

re, suosque plenarios, & integros effectus sortiri, & obtinere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§.3. Non obstantibus Constitutionibus, & Ordinationibus Apostolicis, necnon dicti Ordinis, ejusque Provinciarum, & Conventuum quorumvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, ac Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum, sub Anno Piscatoris, die 37. Martij 1656. Pontificatus nostri Anno I.

Contrariis derogat.

Dat. die 37. Mar. 1656. An. I.

X CIII.

Confirmatio Statutorum Congregationis Reformate Monialium Ordinis S. Benedicti sub denominatione Montis Calvarii Regni Francie.

Ex Reg. in Sac. Brevis

ALEXANDER PAPA VII.

Ad futuram rei memoriam.

§.1. Exponi Nobis nuper fecerunt dilecta in Christo filia Abbatisse seu Superiorisse Congregationis Reformate Ordinis Sancti Benedicti vulgo *del Calvario*, nuncupat. Regni Francie, quod ipsa statuta pro felici dictæ Congregationis, illiusque Monasteriorum gubernio, atque directione alias condita, & a diversis Romanis Pontificibus Prædecessoribus nostris, ut asseritur, approbata, & confirmata, quo firmiora persistant, & ab omnibus archius observentur Apostolicæ confirmationis nostræ robore communiti summo opere desiderant. Nos eadem exponentes specialibus favoribus, & gratiis prosequi volentes, & earum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodate existant, ad effectum præsentium dumtaxat consequendum, harum serie absolventes, & absolutas fore censentes, supplicationibus earum nomine Nobis super hoc humiliter porrectis inclinari, statuta prædicta, dummodo tamen in usu, ac licita sint, & honesta, & non sint revocata, nec sub aliquibus revocationibus comprehensa, Sacrisque Canonibus, & Concilii Tridentini decretis, ac Constitutionibus Apostolicis, dictique Ordinis institutis non adversen-

Confirmat. statuta Monialium Ordinis S. Benedicti sub denominatione Mont. Cal. Regni Francie.

rentur Apostolica auctoritate, tenore presentium approbamus, & confirmamus, illisque inviolabilis Apostolicæ firmitatis robur adiciamus, ac omnes, & singulos tam juris, quam facti defectus, si qui desuper quomodolibet intervenerint in eisdem, supplemus.

Consulas apponit, & contrariis derog.

§.2. Decernentes illa, necnon presentes Literas semper, & perpetuo validas, firma, & efficacia existere, & fore, suoque plenarios, & integros effectus sortiri, & obtinere, ac ab omnibus, & singulis, ad quos spectat, & spectabit quomodolibet in futurum inviolabiliter, & inconcusse perpetuo observari; Sicque per quoscumque Judices ordinarios, & delegatos, etiam causarum Palatii Apostolice Auditors judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari. In contrarium facientibus non obstantibus quibuscumque.

Dat. die 31. Mar. 1656. An.I.

Datum Romæ apud Sanctum Petrum, sub Annulo Piscatoris, die 31. Mar. 1656. Pontificatus nostri Anno I.

X C I V.

Ex Regest. in Secret. Breve

Relaxatio suspensionis pro Episcopo Auximan. ab exercitio Pontificalium, si quam incurrit ob exercitium Pontificalium in Ecclesia Ilcinen. post suam translationem.

Ven. Fratri Antonio Episcopo Auximan.

ALEXANDER PAPA VII.

Ven. Frater salutem, & apostolicam benedictionem.

Relaxat suspensio pro Episc. Auxim. ab exercitio Pontific.

§.1. CUM sicut accepimus postquam te a vinculo, quo Ecclesia Ilcinen., cui tunc præerat tenebaris, absolventes, ad Ecclesiam Auximan. tunc Pastoris solatio destitutam transtulimus, tu absolute, & translationis hujusmodi ignarus Pontificalia in d. Eccl. Ilcinen. exercueris, & nonnullos Diocæs. Ilcinen. ad Ordines etiam Sacros, aliàs tamen rite promoveris; Nos pro singulari, quo te in Domino prosequimur paternæ charitatis affectu, statui tuo, ac per te, ut præfertur, promotorum quantum cum Domino possumus consulere volentes, teque, ac illos specialibus favoribus, & gratiis prosequi volentes, & vestrum singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodati existitis, ad effectum presentium dumtaxat consequendum harum serie absolventes, & absolutos fore censentes, motu proprio, ac ex certa scientia nostra, tibi suspensionem ab exercitio Pontificalium, & a te promotis ab exercitio susceptorum Ordinum, si quam pro-

pterea quomodolibet incurrisis, apostolica auctoritate, tenore presentium relaxamus. Teque, ac illos a quibuscumque aliis censuris, & pœnis ecclesiasticis, si quas propter præmissa forsân incurrisse dici, censeferi, aut intelligi possentis, in utroque foro absolvimus, & totaliter liberamus, distaque pœnas vobis, & vestrum cuilibet gratiose remittimus, & condonamus, ac vobiscum super irregularitate, si quam sic suspensis interdista quomodolibet exercendo contraxistis ad quemcumque effectum dispensamus, teque, ac illos opportune reabilitamus. Necnon tibi, ut quamdiu apud Ecclesiam Ilcinen. resideris, Pontificalia, ad quamcumque jurisdictionem spirituales, & ecclesiasticam Episcopi Ilcinen. pro tempore existentis competentem in Civitate, & Diocesi Ilcinen., ac erga subditos jurisdictioni Episcopi Ilcinen. exercere libere, & licite possis, & valeas perinde ac si adhuc eidem Ecclesie Ilcinen. præesses, facultatem concedimus, & impertimur.

Contrariis derogat.

§.2. Non obstantibus Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon quatenus opus sit, distæ Ecclesie Ilcinen., etiam juramento, confirmatione apostolica, vel quavis firmitate alia roboratis statutis, & consuetudinibus, ceterisque contrariis quibuscumque.

Dat. die 5. Apr. 1656. An.I.

Datum Romæ apud Sanctum Petrum, sub Annulo Piscatoris, die 5. Aprilis 1656. Pontificatus nostri Anno I.

X C V.

Literæ Processus S. D. N. Alexandri Papæ VII. lectæ die Cœnæ Domini, Anno 1656.

ALEXANDER EPISCOPUS

SERVUS SERVORUM DEI

Ad futuram rei memoriam.

Pastoralis Romani Pontificis vigilantia, & sollicitudo, cum in omni Christianæ Reipublicæ pace, & tranquillitate procuranda, pro sui muneris officio assidue versatur, tum potissimum in Catholicæ fidei, sine qua impossibile est placere Deo, unitate, atque integritate retinenda, & conservanda maxime elucet. Nimirum, ut fideles Christi non sint parvuli fluctuantes, neque circumferantur omni vento doctrinæ in nequitia hominum, ad circumventionem erroris; sed omnes occurrant in unitatem fidei, & agnitionem filii Dei in virum perfectum, neque se in hujus vite societate, & communione lædant, aut inter se alter alteri offensionem præbeat, sed potius in vinculo charitatis conjuncti, tanquam unius corporis membra sub Christo capite, ejusque in textis Vicario Romano Pontifici

Procuram.

Pontifice Beatissimi Petri Successore, a quo totius Ecclesiæ unitas dimanat, augeantur in ædificationem, atque ita divina gratia, adjunctrice, sic presentis vitæ quieto gaudeant, futuræ quoque beatitudine perfruantur. Ob quas sane causas Romani Pontifices Prædecessores nostri, hodierna die, quæ anniversaria Dominicæ Cœnæ commemoratione solennis est, spirituales Ecclesiasticæ disciplinæ gladium, & salutaria justitiæ arma per ministerium summi Apostolatus ad Dei gloriam, & animarum, salutem solemniter exercere consueverunt. Nos igitur, quibus nihil optabilius est, quam fidei inviolatam integritatem, publicam pacem, & justitiam, Deo auctore tueri vestitum, & solemnem hunc morem sequentes.

Excommunicat hæreticos.

1. Excommunicamus, & anathematizamus, ex parte Dei omnipotentis Patris, & Filii, & Spiritus sancti, auctoritate quoque beatorum Apostolorum Petri, & Pauli, ac Nostræ, quoscumque Hussitas, Vviclephistas, Lutheranos, Zuinglianos, Calvinistas, Ugonottos, Anabaptistas, Trinitarios, & a Christiana fide Apostatas, ac omnes, ac singulos alios Hæreticos quocumque nomine censeantur, & cujuscumque sectæ existant, ac eis credentes, eorumque receptatores, fautores, & generaliter quoslibet illorum defensores, ac eorumdem libros hæresim continentes, vel de Religione tractantes, sine auctoritate nostra, & Sedis Apostolicæ scienter legentes, aut retinentes, imprimentes, seu quomodolibet defendentes ex quavis causa, publice, vel occulte, quovis ingenio, vel colore, necnon Schismaticos, & eos, qui se a nostra, & Romani Pontificis pro tempore existentis obedientia pertinaciter subtrahunt, vel recedunt.

Excommunicat Curiosos.

2. Item excommunicamus, & anathematizamus omnes, & singulos cujuscumque status, gradus, seu conditionis fuerint Universitates vero, Collegia, & Capitula quocumque nomine nuncupentur, interdicimus, & ab Ordinationibus, seu mandatis nostris, ac Romanorum Pontificum pro tempore existentium, ad universale futurum Concilium appellantes: necnon eos, quorum auxilio, consilio, vel favore appellatum fuerit.

Excommunicat detrahentes a liquidis a navibus dispersis aut jactatis.

3. Item excommunicamus, & anathematizamus omnes Piratas, Curforios, ac Latrunculos maritimos, discurrentes Mare nostrum; præcipue a monte Argentario usque ad Terracinam, ac omnes eorum fautores, receptatores, & defensores.

4. Item excommunicamus, & anathematizamus omnes, & singulos, qui Christianorum quorumcumque navibus tempestate, seu in transverfu (ut dici solet) jactatis; vel quoquo modo naufragium passis sive in ipsis navibus, sive ex eisdem ejecta in mari, vel in litore inventa, cujuscumque generis bona, tam in nostris Tyrreni & Adriatici, quam in cæteris cujuscumque maris Regionibus, & litoribus furripuerint, ita ut nec ob quodcumque privi-

legium, consuetudinem, au longissimi, & immemorabilis temporis possessionem, seu alium quemcumque prætextum excusari possint.

Excommunicat Gabellas imponentes, vel augentes.

5. Item excommunicamus, & anathematizamus omnes, qui in Terris suis nova pedagia, seu gabellas, præterquam in rebus sibi a jure, seu ex speciali Sedis Apostolicæ licentia permissis imponunt, vel augment, seu imponi, vel augeri prohibita exigunt.

Excommunicat falsarios literarum Apostolicarum, etiam in forma Brevis, ac Supplicationum gratiam, vel justitiam concertantium, per Romanum Pontificem, vel S. R. E. Vicecancellarios, seu gerentes vices eorum, aut de mandato ejusdem Romani Pontificis signatarum, necnon falso publicantes literas Apostolicas etiam in forma Brevis, & etiam falso signantes supplicationes hujusmodi sub nomine Romani Pontificis, seu Vicecancellarii, aut gentium vices prædictorum.

6. Item excommunicamus, & anathematizamus omnes falsarios literarum Apostolicarum, etiam in forma Brevis, ac Supplicationum gratiam, vel justitiam concertantium, per Romanum Pontificem, vel S. R. E. Vicecancellarios, seu gerentes vices eorum, aut de mandato ejusdem Romani Pontificis signatarum, necnon falso publicantes literas Apostolicas etiam in forma Brevis, & etiam falso signantes supplicationes hujusmodi sub nomine Romani Pontificis, seu Vicecancellarii, aut gentium vices prædictorum.

Excommunicat opera ferentes Ecclesiæ inimicis.

7. Item excommunicamus, & anathematizamus omnes illos, qui ad Sarracenos, Turcas, & alios Christiani nominis hostes, & inimicos, vel Hæreticos per nostras, sive hujus sanctæ Sedis sententias expresse, & nominatim declaratos deferunt, seu transmittunt equos, arma, ferrum, filum ferri, flammum, calybem, omniaque alia metallorum genera, atque bellica instrumenta, ligamina, cannabem, funes, tam ex ipso cannabe, quam alia quacumque materia; & ipsam materiam, aliaque hujusmodi, quibus Christianos, & Catholicos impugnant; necnon illos, qui per se, vel alios de rebus statum Christianæ Reipublicæ concernentibus, in Christianæ Religionis inimicos, necnon Hæreticos, in damnum Catholicæ Religionis, certiores faciunt, illisque ad id auxilium, consilium, vel favorem quomodolibet præstant. Non obstantibus quibuscumque privilegiis, quibusvis personis, Principibus, Rebuspublicis, per Nos, & Sedem prædictam hætenus concessis, de hujusmodi prohibitione expressam mentionem non facientibus.

Contraria tollit.

8. Item excommunicamus, & anathematizamus omnes impediētes, seu invadentes eos, qui victualia, seu alia ad usum Romanæ Curie necessaria adducunt ac etiam eos; qui ne ad Romanam Curiam adducantur, vel afferantur, prohibent, impediunt, seu perturbant, seu hæc facientes defendunt per se, vel alios, cujuscumque fuerint Ordinis, præminentie, conditionis, & status, etiam si Pontificali seu Regali, aut alia quavis ecclesiastica, vel mundana præfulgeant dignitate.

Excommunicat impediētes deferri necessaria ad Curiam Romanam.

9. Item excommunicamus, & anathematizamus omnes illos, qui ad Sedem Apostolicam venientes, & recedentes ab eadem, sua vel aliorum opera interficiunt, mutilant, spoliunt, capiunt, detinent, necnon illos omnes, qui jurisdictionem Ordinariam, vel delegatam, a Nobis, vel nostris Judicibus non habentes, illam sibi temere

Excommunicat est injuriam facientes Romanam venientibus.

Excommunicat invadentes peregrinos.

Excommunicat invadentes S. R. E. Cardinales &c.

Excommunicat hostes personarum recurren in ad Ro. Curiam.

Impedientes executionem mandatorum excommunicat.

mere vindicantes, similia contra morantes in eadem Curia audent perpetrare.

10. Item excommunicamus, anathematizamus omnes interficientes, mutilantes, detinentes, capientes, seu depradantes Romipetas, seu Peregrinos ad Urbem causa devotionis, seu peregrinationis accedentes, & in ea morantes, vel ab ipsa recedentes, & in his dantes auxilium, consilium, vel favorem.

11. Item excommunicamus, & anathematizamus omnes interficientes, mutilantes, vulnerantes, percutientes, capientes carcerantes, detinentes, vel hostiliter insequentes S. R. E. Cardinales, Patriarchas, Archiepiscopos, Episcopos, Sedisque Apostolica Legatos, vel Nuncios, aut eos a suis Diocesis, Territoriis, Terris, seu Dominiis eficientes: Nec non eadem mandantes, vel rata habentes, seu praestantes in eis auxilium, consilium, vel favorem.

12. Item excommunicamus, & anathematizamus omnes illos, qui per se, vel per alios, personas ecclesiasticas quascumque, vel seculares ad Ro. Curiam super eorum causis, & negotiis recurrentes, ac illa in eadem Curia prosequentes, aut procurantes, negotiorumque gestores, advocatos, procuratores, & agentes, seu etiam Auditores, vel Judices super dictis causis, vel negotiis deputatos, occasione causarum, vel negotiorum hujusmodi occidunt, seu quoquo modo percutiunt; bonis spoliati, seu qui per se, vel per alios directe, vel indirecte, delicta hujusmodi committere, exequi, vel procurare, aut in eisdem auxilium, consilium, vel favorem praestare non verentur, cujuscumque praeminentia, & dignitatis fuerint.

13. Item excommunicamus, & anathematizamus omnes tam Ecclesiasticos, quam seculares cujuscumque dignitatis, qui pretextentes frivolam quamdam appellationem a gravamine, vel futura executione literarum Apostolicarum etiam in forma Brevis, tam gratiam, quam justitiam concernentium: Necnon citationum, inhibitionum, sequestrorum, monitoriorum processuum, executorialium, & aliorum Decretorum a Nobis, & a Sede praedicta, seu Legatis, Nunciis, Praesidentibus, Palatii nostri, & Cam. Apost. Auditoribus, Commissariis, aliisque Judicibus, & Delegatis Apostolicis emanatorum, & quae pro tempore emanaverint, aut alias ad Curias seculares, & laicam potestatem recurrunt & ab ea, instante etiam Fisci Procuratore vel Advocato, appellationes hujusmodi admitti, ac literas, citationes, inhibitiones, sequestra, monitoria, & alia praedicta capi, & retineri faciunt, quive illa simpliciter, vel sine eorum beneplacito, & consensu, vel examine executioni demandari, aut ne Tabelliones, & Notarii super hujusmodi literarum, & processuum executione, instrumenta, vel acta conficere aut confecta parti, cujus interest, tradere debeant, impediunt, vel prohibent, ac

etiam partes, seu eorum agentes, consanguineos, affines, familiares, notarios, exequutores, & subexequutores literarum, citationum, monitoriorum, & aliorum praedictorum capiunt, percutiunt, vulnerant, carcerant, detinent, ex Civitatibus, Locis, & Regnis eiiciunt, bonis spoliati, perterrefaciunt, concutiunt, & comminantur per se, vel alium, seu alios, publice, vel occulte, quive alias quibuscumque personis in genere, vel in specie, ne pro quibusvis eorum negotiis prosequendis, seu gratiis, vel literis impetrandis ad Romanam Curiam accedant, aut recursum habeant, seu gratias ipsas, vel literas a dicta Sede impetrent, seu impetratis utantur, directe, vel indirecte prohibere, statuere, seu mandare, vel eas apud se, aut Notarios, seu tabelliones, vel alias quomodolibet retinere praesumunt.

14. Item excommunicamus, & anathematizamus omnes, & quoscumque, qui per se, vel alios, auctoritate propria, ac de facto quarumcumque exemptionum, vel aliarum gratiarum, & literarum Apostolicarum praetextu beneficiales, & decimarum, ac alias causas spirituales, & spiritualibus annexas, ab Auditoribus, & Commissariis nostris, aliisque Judicibus Ecclesiasticis advocant, illorumve cursum, & audientiam, ac personas, Capitula, Conventus, Collegia causas ipsas prosequi volentes impediunt, ac se de illarum cognitione tanquam Judices interponunt: Quive partes astrices, quae illas committi fecerunt & faciunt, ad revocandum, & revocari faciendum citationes, vel inhibitiones, aut alias literas in eis decretas, & ad faciendum, vel consentiendum eis, contra quos tales inhibitiones emanarunt, a censuris, & poenis in illis contentis absolvi per statutum, vel executionem literarum Apostolicarum, seu executorialium, processuum, ac decretorum praedictorum quomodolibet impediunt, vel suum ad id favorem, consilium, aut assensum praestant, etiam pretertextu violentiae prohibendae, vel aliarum praetensionum, seu etiam donec ipsi ad nos informandos, ut dicunt, supplicaverint, aut supplicari fecerint, nisi supplicationes hujusmodi coram Nobis, & Sede Apostolica legitime prosequantur, etiam si talia committentes fuerint Praesidentes Cancelliarum, Consiliorum, Parliamentorum, Cancellarii, Vicecancellarii, Consilarii ordinarii, vel extraordinarii quorumcumque Principum secularium, etiam Imperiali, Regali, Ducali, vel alia quacumque praesulgeant dignitate, aut Archiepiscopi, Episcopi, Abbates, Commendatarii, seu Vicarii fuerint.

15. Quive ex eorum praetense officio, vel ad instantiam partis, aut aliorum quorumcumque personas ecclesiasticas, Capitula Conventus, Collegia, Ecclesiarum quarumcumque coram se ad suum Tribunal, Audientiam, Cancellariam, Consilium, vel Parlamentum, praeter Juris Canonici dispositionem trahunt, vel trahi faciunt, vel fa-

Exemptiones, aut alia quacumque ab Auditoribus, Commissariis, quae Pontificis advocantur excommunicat.

Impedientes Episcoporum auctoritatem &c. excommunicat.

Jurisdictiones &c. usurpantes excommunicat.

Imponentes onera personis Ecclesiasticis absque expressa licentia &c. anathematizat.

faciunt, vel procurant directe, quovis quaevis colore: necnon qui statuta, ordinationes, constitutiones, pragmaticas, seu quaevis alia decreta in genere, vel in specie, ex quavis causa, & quovis quaevis colore, ac etiam praetextu cujusvis consuetudinis, aut privilegii, vel alias quomodolibet fecerint, ordinaverint, & publicaverint, vel factis, & ordinatis usi fuerint, unde libertas ecclesiastica tollitur, seu in aliquo laeditur, vel deprimitur, aut alias quovis modo restringitur, seu nostris, & dictae Sedis, ac quarumcumque Ecclesiarum juris quomodolibet, directe, vel indirecte, tacite, vel expresse praerjudicatur.

16. Necnon qui Archiepiscopos, Episcopos, aliosque Superiores, & inferiores Praelatos, & omnes alios quoscumque Judices ecclesiarum ordinarios quomodolibet, hac de causa directe, vel indirecte carcerando, vel molestando eorum agentes, procuratores, familiares, necnon consanguineos, & affines, aut alias impediunt, quo minus sua jurisdictione ecclesiastica contra quoscumque utantur, secundum quod Canones, & sacra Constitutiones ecclesiasticae, & Decreta Conciliorum generalium, & praesertim Tridentini, statuunt, ac etiam eos, qui post ipsorum Ordinariorum, vel etiam ab eis Delegatorum quorumcumque sententias, & decreta, aut alias fori ecclesiastici iudicium eludentes, ad Cancellarias, & alias Curias seculares recurrunt, & ab illis prohibitiones, & mandata etiam poenalia Ordinarii, & Delegatis praedictis decerni, & contra illos exequi procurant; eos quoque, qui hac decernunt, & exequuntur, seu dant auxilium, consilium, patrocinium, & favorem in iisdem.

17. Quive jurisdictiones, seu fructus, redditus, & proventus ad Nos, & Sedem Apostolicam, & quasunque ecclesiasticas personas ratione Ecclesiarum, Monasteriorum, & aliorum beneficiorum ecclesiasticorum pertinentes usurpant, vel etiam quavis occasione, vel causa, sine Ro. Pont. vel aliorum ad id legitimam facultatem habentium, expressa licentia, sequestrant.

18. Quive collectas, decimas, tallias praestantias, & alia onera Clericis, Praelatis, & aliis personis ecclesiasticis, ac eorum, & Ecclesiarum, Monasteriorum, & aliorum beneficiorum ecclesiasticorum bonis, illorumve fructibus, redditibus & proventibus hujusmodi absque simili Romani Pontificis speciali, & expressa licentia imponunt, & diversis etiam exquisitis modis exigunt, aut sic imposita, etiam a sponte dantibus, & concedentibus recipiunt. Necnon qui per se, vel alios directe, vel indirecte praedicta facere, exequi, vel procurare, aut in eisdem auxilium, consilium, vel favorem praestare non verentur, cujuscumque sint praeminentiae, dignitatis, Ordinis, conditionis, aut status, etiam si Imperiali, aut Regali praesulgeant dignitate, seu Principes, Duces, Comites, Barones, & alii Potentatus quicumque, etiam, Regnis, Pro-

Quoscumque contra personas Ecclesiasticas, sese in causis capitalibus, & iudiciis se se interponentes excommunicat.

Excommunicat, qui v. m. inferre conitentur summi Pontificis impetio, ac provinciis.

Sibi soli referat absoverionem a praedictis sententiis.

vinciis, Civitatibus, & Terris quoquo modo Praesidentes, Consilarii, & Senatores aut quavis etiam Pontificali dignitate insigniti. Innovantes decreta super his per sacros Canones, tam in Lateranensi novissime celebrato, quam aliis Conciliis generalibus edita, etiam cum censuris, & poenis in eis contentis.

19. Item excommunicamus, anathematizamus omnes, & quoscumque Magistratus, & Judices, Notarios, Scribas, exequutores, subexequutores quomodolibet se interponentes in causis capitalibus, seu criminalibus contra personas ecclesiasticas, illas processando, banniendo, capiendo, seu sententias contra illas proferendo, vel exequendo sine speciali, specifica, & expressa hujus sanctae Sedis Apostolicae licentia ad personas, & casus non expresso extendunt, vel alias illa perperam abutuntur, etiam si talia committentes fuerint Consilarii, Senatores, Praesidentes, Cancellarii, Vicecancellarii, aut quovis alio nomine nuncupati.

20. Item excommunicamus, & anathematizamus omnes illos, qui per se, seu alios directe, vel indirecte sub quocumque titulo, vel colore invadere, destruere, occupare, & detinere praesumpserint in totum, vel in partem, Almam Urbem, Regnum Siciliae, Insulas Sardiniae, & Corsicae, Terras citra Pharum, Patrimonium Beati Petri in Thufcia, Ducatum Spoletanum, Comitatum Venaylinum, Sabinensem, Marchiae Anconitanae, Massae Trebariae, Romandiolae, Campania, & Martimas Provinciis, illarumque Terras, Loca, ac Terras specialis commissionis Arnulforum, Civitatesque nostras Bononiam, Caesenam, Ariminum, Beneventum, Perusium, Avenionem, Civitatem Castellii, Tudertum, Ferrariam, Comaclum, & alias Civitates, Terras, & loca, vel jura ad ipsam Romanam Ecclesiam pertinentia, dictaque Romanae Ecclesiae mediate, vel immediate subiecta: necnon supremam jurisdictionem in illis Nobis, & eidem Romanae Ecclesiae competentem de facto usurpare, perturbare, retinere, & vexare variis modis praesumunt: necnon adherentes, fautores, & defensores eorum, seu illis auxilium, consilium, vel favorem quomodolibet praestantes. Volentes praesentes nostros processus, ac omnia, & quaecumque his literis contenta, quovisque alii hujusmodi processus a Nobis, aut Ro. Pont. pro tempore existente fiant, aut publicentur, durare, suosque effectus omnino sortiri.

21. Ceterum a praedictis sententiis nullus per alium quam per Rom. Pont. nisi in mortis articulo constitutus, nec etiam tunc, nisi de stando Ecclesiae mandatis, & satisfaciendo cautione praestita, absolvi possit, etiam praetextu quarumvis facultatum, & indulgentiarum quibuscumque personis Ecclesiasticis, secularibus, & quorumvis Ordinum, etiam Mendicantium, ac Militarium Regularibus, etiam Episcopali vel alia majori Dignitate praedictis, ipsisque